

Broj: 01- 04-5598/20  
Sarajevo, 26.11.2020.godine

**FEDERACIJA BIH  
PARLAMENT FEDERACIJE BIH  
DOM NARODA**

**SARAJEVO**  
Ul. Hamdije Kreševljakovića broj 3

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 04-12-2020			
Org. jed.	Broj	Priloga	Vrijednost
05/2	- 02 -	202	/20

**PREDMET: Odgovor na postavljeno delegatsko pitanje Damira Marjanovića delegata u Domu Naroda Parlamenta Federacije Bosne i Hercegovine – dostavlja se**

**Veza: Vaš akt broj: 05/2-20220 od dana, 06.10.2020.godine**

Poštovani,

U povodu Vašeg akta, a kojim tražite informacije i podatke vezane za odgovor na postavljeno delegatsko pitanje delegata Damira Marjanovića u Domu naroda Parlamenta Federacije Bosne i Hercegovine, u prilogu akta dostavljamo odgovor.

S poštovanjem,



**MINISTAR**

**Prof. dr sc. Vjekoslav Mandić**

**CO: Vlada Federacije BiH**

**DOSTAVLJENO:**

- Naslovu;
- Evidenciji;
- Arhivi.

**ODGOVOR**  
**NA ZASTUPNIČKO PITANJE DAMIRA MARJANOVIĆA**  
**DELEGATA U DOMU NARODA**  
**PARLAMENTA FEDERACIJE BOSNE I HERCEGOVINE**

---

**Sarajevo, studeni 2020. godine**

Damir Marjanović, delegat u Domu naroda Parlamenta Federacije Bosne i Hercegovine, na 7. redovitoj sjednici Doma naroda Parlamenta Federacije BiH, postavio je slijedeće delegatsko pitanje:

"Koliko testova imamao na raspolaganju i koji vremenski period možemo pokriti sa tim testovima?"

Koji tip PCR testova koristimo tačno da mi se da? I koje je znanstveno tijelo odlučuje koji se tip PCR testova koristi? Ovo postavljam zato što se u medijima pojavljuju informacije o nekim lažno, postoje neki lažni negativni testovi. I ne trudi se da iko objasni da to ne znači da neko vara na tim rezultatima, ali me da bih mogao kao znanstvenik obrazložiti onda zanima pošto je Federalno ministarstvo zdravstva preuzelo na sebe ulogu nabavke tih testova jako zanima koji tip testova koristimo i koje planiramo da nabavimo?"

I imam jedno pitanje koje su me zamolile kolege iz visokoškolski ustanova da mi ministar Mandić pojasni kako nešto što je u naredbi ne treba da bude naređenje nego da bude obavezujuća preporuka?"

## II

Na postavljeno delegatsko pitanje Federalno ministarstvo zdravstva, **iz okvira svojih nadležnosti**, daje slijedeći

## ODGOVOR

Federalno ministarstvo zdravstva sukladno svojim nadležnostima utvrđenim Zakonom o federalnim ministarstvima i drugim tijelima federalne uprave („Službene novine “Službene novine Federacije BiH”, br. 58/02,19/03, 38/05, 2/06, 8/06, 61/06) nikada nije bilo nadležno za nabavu PCR testova, za potrebe verificiranih laboratorija od strane Federalnog ministarstvo zdravstva, a koje obavljaju mikrobiološku djelatnost - laboratorijska izolacija virusne RNA i identifikacije uzročnika zarazne bolesti (SARS-CoV-2) radi utvrđivanja dijagnoze na COVID-19 temeljem članka 14. stavak (6) Zakona o zaštiti pučanstva od zaraznih bolesti (“Službene novine Federacije BiH”, broj 29/05), a u svezi s člankom 188. Zakona o zdravstvenoj zaštiti („Službene novine Federacije BiH”, br. 46/10 i 75/13), kao i Naredbi o proglašenju epidemije zarazne bolesti COVID-19 („Službene novine Federacije BiH”, broj 48/20). Također, ovo ministarstvo ni u uvjetima pandemije odnosno epidemije COVID-19 u Federaciji BiH nikada nije preuzelo obavezu nabave PCR testova, već je isto obveza zdravstvenih ustanova koje su verificirane za obavljanje mikrobiološke djelatnosti - laboratorijske izolacije virusne RNA i identifikacije uzročnika zarazne bolesti (SARS CoV-2) radi utvrđivanja dijagnoze na COVID-19.

Posebno navodimo da je Vlada Federacije Bosne i Hercegovine, Odlukom o raspodjeli sredstava utvrđenih Proračunom Federacije Bosne i Hercegovine za 2020. godinu Federalnom ministarstvu finansija/ Federalnom ministarstvu financija sa pozicije „Tekući transferi drugim razinama vlasti i fondovima-sredstva iz RFI aranžmana sa MMF-om („Službene novine Federacije BiH”, broj 51/20) utvrdila raspodjelu sredstava **kantonima u iznosu od 200.000.000 KM na ime dodjele financijske pomoći proračunima kantona u sanaciji posljedica nasatalih usljed proglašenje pandemije COVID-19.**

Osim toga, Vlada Federacije Bosne i Hercegovine je Odlukom o raspodjeli sredstava utvrđenih Proračunom Federacije Bosne i Hercegovine za 2020. godinu Federalnom ministarstvu finansija/ Federalnom ministarstvu financija sa pozicije „Tekući transferi drugim razinama vlasti i fondovima-sredstva-kantoni i općina“ gradovi i općine („Službene novine Federacije BiH“, broj 51/20), utvrdila raspodjela sredstava **u iznosu od 30.000.000 KM na ime dodjele finansijske pomoći proračunima gradova i općina u sanaciji posljedica nastalih uslijed proglašene pandemije COVID-19 i za sufinansiranje projekata/zahtjeva /inicijativa.**

Također sredstvima Proračuna Federacije Bosne i Hercegovine za 2020. realizira se "Tekući transfer drugim nivoima vlasti i fondovima – Transfer za sanaciju zdravstvenih ustanova u Federaciji Bosne i Hercegovine", utvrđenih u razdjelu 20. Budžeta Federacije Bosne i Hercegovine za 2020. godinu ("Službene novine Federacije BiH", broj 99/19), u iznosu od 30.000.000,00 KM. Dodatno je iz Tekuće pričuve Proračuna Federacije Bosne i Hercegovine za 2020. godinu izdvojen iznos od još 10.000.000 KM za klinički centre u Federaciji BiH čiji je osnivač Parlament Federacije Bosne i Hercegovine.

Do sada je nabava PCR testova za javne zdravstvene ustanove u Federaciji BiH, u pravilu, bila osigurana kroz niz donacija, prije svega Svjetske zdravstvene organizacije. Svaka od ovih donacija PCR testova sadrži pismo donatora, račun donatora sa specifikacijom, listom pakiranja, količinama i cjenama; certifikat o usklađenosti PCR testa; certifikat o porijeklu, izvještaj o provjeri kvalitete, kao i izjavu krajnjeg korisnika- zdravstvene ustanove (laboratorije) o prihvatanju donacije u navedenim rokovima uporabe.

Sve donacije Svjetske zdravstvene organizacije, kao i drugih donatora, nakon pozitivnog odgovora laboratorija (izjave), prihvaćene su i uvezene preko nadležnih državnih organa Bosne i Hercegovine.

Slijedom svojih ovlasti iz članka 87. stavak (2) Zakona o lijekovima i medicinskim sredstvima („Službeni glasnik BiH“, broj 58/08), kao i Odluke o klasifikaciji roba na režime izvoza i uvoza („Službeni glasnik BiH“, br. 22/98, 30/02, 41/02, 20/05 i 54/08), a na temelju navedene dokumentacije donatora, Federalno ministarstvo zdravstva je odobravalo uvoz medicinskih sredstava humanitarnog porijekla za zdravstvene ustanove u Federaciji BiH. Identično je postupano i od strane Ministarstva zdravstva i socijalne zaštite Republike Srpske i Odjela za zdravstvo Brčko Distrikta Bosne i Hercegovine, kada je riječ o odobravanju uvoza medicinskih sredstava humanitarnog porijekla za potrebe zdravstvenih ustanova sa područja Republike Srpske odnosno Brčko Distrikta Bosne i Hercegovine.

Treba istaći da je određen broj javnih zdravstvenih ustanova s područja Federacije BiH pristupao javnim nabavama PCR testova sukladno odredbama Zakona o javnim nabavama („Službeni glasnik BiH“, broj 39/14) i propisima donijetim na temelju ovog zakona, kao procesnom propisu, te posebno materijalnom propisu koje regulira medicinska sredstva, a to je Zakon o lijekovima i medicinskim sredstvima, te Pravilnik o medicinskim sredstvima („Službene novine Federacije BiH“, broj 4/10). Slijedom navedenog javne zdravstvene ustanove, kao ugovorni organi, su samostaleni u provođenju postupaka javnih nabavki, a sukladno Zakona o javnim nabavkama, kao i

materijalnim propisima iz ove oblasti, pa i u preciziranju specifikacije odnosno tenderske dokumentacije koja je predmetom pojedinačnih javnih nabava.

U kontekstu postavljenog pitanja „I koje je znanstveno tijelo odlučuje koji se tip PCR testova koristi?“ odgovaramo da je isto u ingerenciji verificiranih laboratorija, koje imaju kompetentno osoblje, da procijene da li je donirani testni kit adekvatan namjeni pri čemu je jedna od ključnih odrednica dobijena EUA ili IVD oznaka za dijagnostiku COVID-19 kod ljudi (više info o EUA odobrenim COVID-19 testovima može pronaći na [https://www.who.int/diagnostics\\_laboratory/2019ncov/20200226\\_collated\\_table\\_26\\_october\\_2020.pdf?ua=1](https://www.who.int/diagnostics_laboratory/2019ncov/20200226_collated_table_26_october_2020.pdf?ua=1)).

Ovo ministarstvo nema zvaničnih informacija o tzv. 'lažno negativnim' testovima, pa nismo sigurni o čemu se zapravo radi, te stoga molimo uvaženog zastupnika da nam isto pojasni te da, ukoliko posjeduje ove informacije odnosno saznanja, iste ustupi kako bismo navedeno uputili nadležnim tijelima radi provjere.

U kontekstu postavljenog pitanja da „...nešto što je u naredbi ne treba da bude naređenje nego da bude obavezujuća preporuka“, odgovaramo da smo sve naredbe vezane za obrazovne ustanove usuglasili sa kantonalnim ministrima obrazovanja. Preporuke Zavoda za javno zdravstvo Federacije BiH, koje su dio Naredbi Kriznog stožera Federalnog ministarstva zdravstva, su obavezujuće za one na koje se iste odnose.